

LANDFLUCHT



Musik & Text: Alfred Jaklitsch
Verlag: Bellasoni, Hera
Album: Des olls is Hoamat (2017)

Im Dorf is längst schon Ruah einkehrt
a Kinderlochn man kaum nu hört
da olte Hias auf seiner Hausbank sitzt
seit Joahrn schon an der Madonna schnitzt
jeder Bauer weitum ums Überleben bongt
jahraus und jahrein dArbeit bleibt unbedankt
die Jungen hobm längst des Weite gsuacht
monche still und heimlich sein Dorf verfluacht

**Weils auf der Landflucht san
erfüllt si do niemand mehr an Tram
zwenig zum Leben und zvä zum Sterbn
denn aus nix wird wohl nix mehr werdn
auf der Landflucht sans
und eana Hoamhaus zrucklossn tans
a Paradies grot in Vergessenheit
in an Land aus der Zeit**

der Bauer wird um d Arbeit prellt
weil in solchen Zeiten nix mehr zählt
wenn er knapp nur über d Rundn kimmt
koaner do der den Hof übernimmt
früher im Dorf woar reges Lebn
nit amoi a kloans Gschäft tuats jetzt mehr gebn
die Jungen kehren olln den Ruckn zua
und im Dorf herrscht gespenstische Ruah

Weils auf der Landflucht san.....